

Zenica, 31. 1. 2025. godine
Naš br. 110/25

XXIV FESTIVAL BOSANSKOHERCEGOVAČKE DRAME ZENICA 2025.

JAVNI POZIV

Pozivaju se teatri, teatarske trupe i ostale institucije profesionalne teatarske produkcije iz Bosne i Hercegovine i inostranstva da prijave predstave rađene u njihovoj produkciji ili koprodukciji za učešće u Takmičarskom programu XXIV festivala bosanskohercegovačke drame Zenica 2025. koji će se održati tokom mjeseca maja 2025. godine u Zenici.

PROPOZICIJE:

- teatri mogu prijaviti do 2 (dvije) predstave inscenirane po dramskim tekstovima bosanskohercegovačkih autora;
- pravo učešća u Takmičarskom programu XXIV festivala imaju predstave koje su premijerno izvedene u periodu od **15. 3. 2024. godine do 15. 3. 2025. godine;**
- krajnji rok za prijave predstava je **21. 3. 2025. godine;**
- za predstave koje su već imale premijernu izvedbu potrebno je navesti datum i mjesto narednih repriznih izvedbi, a u slučaju eventualne promjene termina o tome blagovremeno izvijestiti direkciju Festivala;
- spisak predstava selektiranih u Takmičarski program Festivala biće saopšten **u prvoj sedmici mjeseca aprila 2025. godine.**

PROCES APLIKACIJE

- Predstave možete prijaviti isključivo putem ispunjavanja online formulara kojem možete pristupiti putem sljedećeg linka: <https://bnp-zenica.com/festival/prijava/>
- Pri završetku ispunjavanja online formulara na Vašu e-mail adresu će biti dostavljen verifikacijski kod prijave. Neophodno je da mail sa verifikacijskim kodom isprintate i u koverti pošaljete na našu adresu, kako bi se proces aplikacije smatrao validnim.

Isprintan mail sa verifikacijskim kodom je potrebno poslati na sljedeću adresu:

Bosansko narodno pozorište Zenica / Festival bh. drame
sa naznakom: „*Prijava za XXIV festival bh. drame*“
Trg BiH 3
72000 Zenica
Bosna i Hercegovina

USLOVI UČEŠĆA NA FESTIVALU BH. DRAME

Bosansko narodno pozorište Zenica kao producent i organizator Festivala preuzima obavezu subvencioniranja dijela troškova putovanja za ansamble predstava koje će biti izvedene u okviru Takmičarskog programa Festivala.

Učešće teataru sa kojima BNP Zenica ima ugovore o saradnji i redovnoj razmjeni predstava može se realizirati u okviru tog oblika saradnje.

Svim gostujućim ansamblima će biti pružena tehničko-tehnološka podrška u pripremi i realizaciji adaptacione probe i festivalske izvedbe predstave, u skladu sa tehničko-tehnološkim i kadrovskim resursima BNP-a Zenica.

Tlocrt naših scenskih prostora i shemu rasvjete Velike scene možete preuzeti putem sljedećeg linka:

<https://www.bnp.ba/bnp/component/k2/item/4-scenski-prostori>

SELEKCIJA

Selekciju Takmičarskog programa XXIV festivala bosanskohercegovačke drame izvršit će selektor/selektorica XXIV festivala bosanskohercegovačke drame.

Radi blagovremene pripreme i dolaska selektora/selektorice na izvedbu predstave, teatri i trupe u prijavi trebaju navesti termine repriznih izvedbi predstave u tekućoj pozorišnoj sezoni (za predstave čiji su termini već utvrđeni), a naknadno za predstave čiji termini će biti utvrđeni u narednom periodu. U slučaju nemogućnosti dolaska selektora/selektorice, selekcija će se izvršiti gledanjem video zapisa predstave.

Direkcija Festivala će najaviti i dogovoriti dolazak selektora/selektorice na izvedbu predstave u direktnom kontaktu s teatrima i trupama.

Poziv u *.doc* i *.pdf* elektronskom formatu dostupan je i na zvaničnoj internetskoj stranici: bnp.ba/festival

Važniji kontakt:

Denis Krdžalić, izvršni producent Festivala
tel. +387 32 442 422; mob. +387 62 100 331; denis.krdzalic@bnp.ba